

КАНОН:

ПЕСНЬ 1:

КАНОН ВОСКРЕСНЫЙ, ГЛАС 4:

**Ирмос:** Моря черную пучину/ невлажными стопами/ древний пешествовав Израиль,/ крестообразными Моисеевыми руками// Амаликову силу в пустыни победил есть.

**Припев:** Слава, Господи, святому Воскресению Твоему.

**Тропарь:** Вознеслся еси на пречистем древе крестнем,/ наше отпадение исправляя,/ еже на древе исцеляя всегубительство, Владыко,// яко Благ и Всесилен.

**Припев:** Слава, Господи, святому Воскресению Твоему.

**Тропарь:** Во гробе плотски, во аде же с душею, яко Бог:/ в рай же с разбойником, и на Престоле был еси, Христе, со Отцем и Духом,// вся исполняя Неописанный.

КАНОН КРЕСТОВОСКРЕСНЫЙ, ГЛАС 4:

**Припев:** Слава Господи Кресту Твоему Честному и Воскресению.

**Тропарь:** Исцелил еси сокрушение человечества, Господи,/ Божественною Твоею Кровию обновивый то:/ и сокрушил еси сильного в крепости,// иже древле сокрушившаго Твое создание.

**Припев:** Слава Господи Кресту Твоему Честному и Воскресению.

**Тропарь:** Мертвых востание, умерщвлением был еси:/ крепость бо отъяты умерщвления, бравшиися с Жизнию вечною,// Иже всеми владычествуя воплощенному Богу.

КАНОН БОГОРОДИЦЫ ВЗ ОКТОИХА, ГЛАС 4:

**Припев:** Пресвятая Богородице, спаси нас.

**Тропарь:** Сотрясошася людие, смятошася языцы,/ царствия же державная уклонишася, Чистая, от страха рождества Твоего:/ прииде бо Царь мой, и низложи мучителя,// и мир от тли избави.

КАНОН СТРАСТОТЕРПЦЕВ, ГЛАС 6:

**Припев:** Святии царственнии страстотерпцы, молитесь Бога о нас.

**Тропарь:** Венченосче Николае, вкупе с мученическими лики, царицею, чады и слугами,/ предстояще у Престола Христова,/ просвещение нам даруйте, озаряющее душ наших омрачение и нечувствие,// яко да восхвалим радостно вашу блаженную память.

**Слава Отцу и Сыну и Святому Духу и ныне и присно и во веки веков, аминь.**

КАТАВАСИЯ, ГЛАС 4:

**Хор:** Отверзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя,// и воспою, радуясь, Тоя чудеса.

ПЕСНЬ 3:

КАНОН ВОСКРЕСНЫЙ, ГЛАС 4:

**Ирмос:** Веселится о Тебе Церковь Твоя, Христе, зовущи:/ Ты моя крепость, Господи,// и прибежище, и утверждение.

**Припев:** Слава, Господи, святому Воскресению Твоему.

**Тропарь:** Древо животное, мысленный истинный виноград,// на Кресте висит, всем источая нетление.

**Припев:** Слава, Господи, святому Воскресению Твоему.

**Тропарь:** Яко велик, яко страшен, яко адово низложь шатание,// и яко Бог нетленен, ныне плотски воскресе.

КАНОН КРЕСТОВОСКРЕСНЫЙ, ГЛАС 4:

**Припев:** Слава Господи Кресту Твоему Честному и Воскресению.

**Тропарь:** Ядом исполнены в мя змий зубы вонзе, Спасе,/ яже, Вседержителю Владыко, гвоздьми рук Твоих сокрушил еси:// яко несть свят во святых, паче Тебе, Человеколюбче.

**Припев: Слава Гóсподи Кресту Твоему Честному и Воскресению.**

**Тропарь: Виден был еси, Человеколюбче, волею во гробе мертв, Животворче,/ и врата развергл еси адова, яже от веков душам:// яко несть свят во святых разве Тебе, Человеколюбче.**

Канон Богородицы в3 Октоиха, глас 4:

**Припев: Пресвятая Богородице, спаси нас.**

**Тропарь: Очищается человек существо,/ Тобюю присовокупльшеся нестерпимому Божественному Огню:/ яко сокровенный, Пречистая Дёво, в Тебе Хлеб испекшееся, // Иже и Тебе невреденну сохраншему.**

Канон страстотерпцев, глас 6:

**Припев: Святии царственнии страстотерпцы, молитесь Бога о нас.**

**Тропарь: Поругание и разорение земли своей от безбожных видя, благочестивый царю,/ плакася из глубины сердечная, яко пророк Иеремия, горце стени и молися за люди согрешившия:// Милостиве Господи, не остави их, оставльших мя.**

**Слава Отцу и Сыну и Святому Духу и ныне и присно и во веки веков, аминь.**

Катавасия, глас 4:

**Хор: Твоя песнословцы, Богородице,/ Живый и Независтный Источник,/ лик себе совокупльшия, духовно утверди,/ в Божественней Твоей славе// венцев славы сподоби.**

Ектения малая:

Кондак страстотерпцев, глас 8:

Избранныи Царем царствующих и Господем господствующих/ от рода царей Российских,/ благовернии мученицы,/ муки душевные и смерть телесную за Христа приимиши/ и венцы Небесными увенчавшиися,/ к вам, яко покровителем нашим милостивым,/ с любовью благодарне вопием:/ радуйтесь, царственнии страстотерпцы, // за Русь Святую пред Богом усерднии молитвенницы.

Икос:

Славою и богатством благочестия сияющими,/ багрянницею многоценною и венцем украшении,/ милостию и правдою в житии просиявшии,/ веру, надежду и любовь к Богу до конца явили есте./ К вам, яко покровителем нашим милостивым,/ с любовью благодарне вопием:/ радуйтесь, царственнии страстотерпцы, // за Русь Святую пред Богом усерднии молитвенницы.

Седален страстотерпцев, глас 4:

Егда мнози от сродник наших отступisha от Бога,/ отвратishася Божиих заповедей и восташа на Господа и помазанника Его,/ тогда гнев Божий на землю Русскую прииде,/ иссяче любви многих, пролияся кровь братий наших,/ расточishася людие Российстии по всему лицу земли,/ храми наши поруганию предашася,/ глады, нашествия иноплеменик постигоша ны, и бихом в посмеяние языков./ Мы же, разумюще сие, с сокрушением сердца в покаянии зовем:/ прости и помилуй нас, Господи, по велицей милости Твоей,/ очисти беззакония наша/ и подаждь страждущей стране Российстей/ предстательством царственных страстотерпец// прощение грехов, мир и велию милость.

**Слава Отцу, и Сыну, и Святому Духу и ныне и присно и во веки веков, аминь.**

Богородичен из Миней, глас 4:

Умоли, Милосердая Мати Света, Сына Твоего и Бога нашего/ о еже возставити державу нашу православную,/ сохранити ю в мире и благоденствии,/ избавити ны от междоусобных брани, // укрепити Святую Церковь и оградити ю от неверия, раскола и ересей.

ПЕСНЬ 4:

КАНОН ВОСКРЕСНЫЙ, ГЛАС 4:

**Ирмос:** Вознесена Тя видевши Церковь на Кресте,/ Солнце Праведное,/ ста в чине своём,/ достойно взывающи:// слава силе Твоей, Господи.

**Припев:** Слава, Господи, святому Воскресению Твоему.

**Тропарь:** Возшел еси, страсти моя исцеляя, на Крест/ страстию Пречистыя плоти Твоея,/ в нюже волею облечлся еси./ Темже Ти взываем:// слава силе Твоей, Господи.

**Припев:** Слава, Господи, святому Воскресению Твоему.

**Тропарь:** Безгрешнаго смерть вкусивши,/ Животворящаго Тела Твоего,/ достойно, Владыко, умертвися:/ мы же вопием Ти,// слава силе Твоей, Господи.

КАНОН КРЕСТОВОСКРЕСНЫЙ, ГЛАС 4:

**Припев:** Слава Господи Кресту Твоему Честному и Воскресению.

**Тропарь:** Взаконоен сый Израиль,/ Тебе, Христе, законившаго Бога не позна:/ но яко беззаконника, законопреступая, на Кресте пригвозди,// иже законоположению недостойный.

**Припев:** Слава Господи Кресту Твоему Честному и Воскресению.

**Тропарь:** Обожена Твоя, Спасе, Душа,/ адова сокровица пленивши,/ яже от века со-воскреси души:// живоносное же Тело всем нетление источи.

КАНОН БОГОРОДИЦЫ ВЗ ОКТОИХА, ГЛАС 4:

**Припев:** Пресвятая Богородице, спаси нас.

**Тропарь:** Поживе с человеки, видимь быв Невидимый,/ во зраце сый Непостижимаго Божества,/ и вообрази из Тебе, Отроковице, в чуждее,// ведущих Тя, Чистую Богоматерь, спасает.

КАНОН СТРАСТОТЕРПЦЕВ, ГЛАС 6:

**Припев:** Святити царственнии страстотерпцы, молитесь Бога о нас.

**Тропарь:** Нищетю духовною обогатился еси, святе Николае,// и сотвори ты Господь достойна не токмо земного, но и Небеснаго Царствия.

**Слава Отцу и Сыну и Святому Духу и ныне и присно и во веки веков.**

КАТАВАСИЯ, ГЛАС 4:

**Хор:** Седяй в Славе/ на Престоле Божества/ во облаце легце,/ прииди Иисус Пребожественный,/ Нетленною Дланию/ и спасе зовущия:// слава, Христе, силе Твоей.

ПЕСНЬ 5:

КАНОН ВОСКРЕСНЫЙ, ГЛАС 4:

**Ирмос:** Ты, Господи мой,/ Свет в мир пришел еси,/ Свет Святый, обращаяй из мрачна неведения// верою воспевающая Тя.

**Припев:** Слава, Господи, святому Воскресению Твоему.

**Тропарь:** Ты, Господи, к земли милостивно сошел еси:// Ты вознесл еси падшее человеческое существо, на древе воздвигаемь.

**Припев:** Слава, Господи, святому Воскресению Твоему.

**Тропарь:** Ты взял ми еси, Христе, прегрешений осуждение:// Ты разрушил еси болезни смертныя, Щедре, Божественным воскресением Твоим.

КАНОН КРЕСТОВОСКРЕСНЫЙ, ГЛАС 4:

**Припев:** Слава Господи Кресту Твоему Честному и Воскресению.

**Тропарь:** Прият Тя всего усты ад безумный:/ на Кресте бо пригвождена Ты видев,/ копием прободена, бездыханна,/ Живаго Бога проста вменяше человека./ Разуме же искусивый крепость Твоего Божества.

**Припев:** Слава Господи Кресту Твоему Честному и Воскресению.

**Тропарь:** Разрушенный, Человеколюбче, Храм Твоего Телесе,/ гроб разделивый и ад неволю оба судя истязуеми суть:/ ов убо святых Твоих души,// телеса же другой соотсылающе, Безсмертне.

КАНОН БОГОРОДИЦЫ ВЗ ОКТОИХА, ГЛАС 4:

Припев: **Пресвятая Богородице, спаси нас.**

Тропарь: Дом Тя славы, Гору Божию Святую, Чистая, / Невесту, Чертог, Храм освящения, / Сын Божий, в Тя вселився, // и рай сладости присноущныя нам содела.

КАНОН СТРАСТОТЕРПЦЕВ, ГЛАС 6:

Припев: **Святии царственнии страстотерпцы, молите Бога о нас.**

Тропарь: Миротворец явился еси, царю Николае святый, неся мир миру, / спасаея и защищая тысячи во отечестве твоём и в иных странах, // сего ради сын Божий, по слову Господню, нареклся еси.

**Слава Отцу и Сыну и Святому Духу и ныне и присно и во веки веков, аминь.**

КАТАВАСИЯ, ГЛАС 4:

Хор: **Ужасошася всяческая / о Божественной славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя // мир подающая.**

ПЕСНЬ 6:

КАНОН ВОСКРЕСНЫЙ, ГЛАС 4:

Ирмос: **Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих // истекшею Кровию.**

Припев: **Слава, Господи, святому Воскресению Твоему.**

Тропарь: Возшел еси на Крест, силою препоясався, / и соплется с мучителем, яко Бог, с высоты свергн еси, // Адама же непобедимою силою воскресил еси.

Припев: **Слава, Господи, святому Воскресению Твоему.**

Тропарь: Воскресл еси блистаясь красный из гроба, Христе, / и разгнал еси вся враги Божественною силою Твоею, // и вся, яко Бог, веселия исполнил еси.

КАНОН КРЕСТОВОСКРЕСНЫЙ, ГЛАС 4:

Припев: **Слава Господи Кресту Твоему Честному и Воскресению.**

Тропарь: Отверзе гортань свой ад, и пожре мя, / и душу расшири безумный: // но Христос сошед, возведе жизнь мою, яко Человеколюбец.

Припев: **Слава Господи Кресту Твоему Честному и Воскресению.**

Тропарь: Погибе смертию смерть, / умерый бо воскресе, нетление мне даруя: // явлься же женам провеща радость Безсмертный.

КАНОН БОГОРОДИЦЫ ВЗ ОКТОИХА, ГЛАС 4:

Припев: **Пресвятая Богородице, спаси нас.**

Тропарь: Древле убо прельсти мя змий, и умори мя, / праматерию мою Евою: // ныне же, Чистая, Тобою создавый мя из истления воззва.

КАНОН СТРАСТОТЕРПЦЕВ, ГЛАС 6:

Припев: **Святии царственнии страстотерпцы, молите Бога о нас.**

Тропарь: Всем православным заступник был еси, богоизбранный Николае, / народом Словенским защиту благу являя // и, яко брат брату, помогаая.

**Слава Отцу и Сыну и Святому Духу и ныне и присно и во веки веков, аминь.**

КАТАВАСИЯ, ГЛАС 4:

Хор: **Божественное сие и всечестное / совершающе празднество, / Богомудрии, Богоматере, / приидите, руками восплещим, // от Нея рождагося Бога славим.**

ЕКТЕНИЯ МАЛАЯ:

КОНДАК ВОСКРЕСНЫЙ, ГЛАС 4:

Спас и Избавитель мой / из гроба, яко Бог, воскрес от уз земнородных, / и врата ада сокруши, / и яко Владыка // воскресе тридневен.

Икос:

Воскрéсшаго из мэртвых Христá Жизнода́вца триднёвна из грóба,/ и вратá смёртная днесь сокру́шшаго сýлою Своёю,/ и áда умертвívшаго, и жáло смёртное стёршаго,/ и Ада́ма со Ёвою свободívшаго,/ воспо́йм вси земнорóдни, вопи́юще хвалу́ приле́жно:// Той бо я́ко Ед́ин Кре́пкий, Бог и Влады́ка, воскрéсе триднёвен.

ПЕСНЬ 7:

КАНОН ВОСКРЕ́СНЫЙ, ГЛАС 4:

Ирмос: **В пещи́ Авраа́мстии óтроцы персидстей,/ любóвию благочéстия пáче,/ не́жели пла́менем, опаля́еми, взыва́ху:// благословéн еси́ в хра́ме сла́вы Твоея́, Го́споди.**

Припев: **Сла́ва, Го́споди, свято́му Воскресéнию Твоему́.**

Тропарь: **К нетлéнию челове́чество призв́ася,/ Божéственною измовéно Кро́вию Христóвою, благодарно́ воспева́ющее:// благословéн еси́ в хра́ме Сла́вы Твоея́, Го́споди.**

Припев: **Сла́ва, Го́споди, свято́му Воскресéнию Твоему́.**

Тропарь: **Я́ко Живонóсец, я́ко рая́ красне́йший/ войстинну, и черто́га всякаго ца́рскаго показ́ася светлéйший, Христé, гроб Твой,// истóчник нáшего воскресéния.**

КАНО́Н КРЕСТОВОСКРЕ́СНЫЙ, ГЛАС 4:

Припев: **Сла́ва Го́споди Кресту́ Твоему́ Честно́му и Воскресéнию.**

Тропарь: **Смирíл еси́ на дрéво воздвиз́аемь, óко высóкое,/ и превознесéнную бровь на зéмлю низлож́ил еси́, спасýй челове́ка:// Препéтый отцéв Господь и Бог, благословéн еси́.**

Припев: **Сла́ва Го́споди Кресту́ Твоему́ Честно́му и Воскресéнию.**

Тропарь: **Сýлою Твоею́ рог наш возв́иси служа́щих Ти, воскреси́й из мэртвых,/ и áдово истощ́ивый прéжде многочеловéчное богáтство, Влады́ко:// Препéтый отцéв Господь и Бог, благословéн еси́.**

КАНО́Н БОГОРО́ДИЦЫ ИЗ ОКТО́ИХА, ГЛАС 4:

Припев: **Пресвятáя Богорóдице, спаси́ нас.**

Тропарь: **Привлач́ит мя к пéнию любóвь дéвственная́ огонь,/ ýже в сёрдцы, вопíti Мáтери и Дéве:// Благословéнная, Господь сýлам с Тобóю.**

КАНО́Н СТРАСТОТЕ́РПЦЕВ, ГЛАС 6:

Припев: **Святii ца́рственнии страстоте́рпцы, молите́ Бо́га о нас.**

Тропарь: **Я́ко прýсных ва́ших, недýжных во́инов чадолóбне посещ́а́сте, ца́рственнии мýченицы,/ и с любóвию их утеш́а́сте, местá же их упокоéния слезáми ва́шими орош́а́сте.**

**Сла́ва Отцý и Сы́ну и Свято́му Дýху и ны́не и прýсно и во ве́ки векóв, амíнь.**

КАТАВА́СИЯ, ГЛАС 4:

Хор: **Не послужи́ша твáри Богомýдрии/ пáче Созда́вшаго,/ но, óгненное прещéние мýжески попра́вше,/ ра́довахуся, пою́ще:// препéтый отцéв Господь и Бог, благословéн еси́.**

ПЕСНЬ 8:

КАНОН ВОСКРЕ́СНЫЙ, ГЛАС 4:

Ирмос: **Рýце распростéр Дани́ил,/ львов зия́ния в рóве затчé,/ óгненную же сýлу угаси́ша,/ добродéтелию препоя́савшеся,/ благочéстия рачи́тели, óтроцы, взыва́юще:// благослови́те, вся дела́ Господня́, Го́спода.**

Припев: **Сла́ва, Го́споди, свято́му Воскресéнию Твоему́.**

Тропарь: **Рýце распростéр на Крестé, язýки вся собр́ал еси́,/ и ед́ину явил еси́, Влады́ко/ Цéрковь воспева́ющую Тя, земнóую и небéсную, согласно́ пою́щим:/ благо- слови́те вся дела́ Господня́, Го́спода,// по́йте и превозноси́те Егó во ве́ки.**

**Припев:** **Сла́ва, Го́споди, свято́му Воскресе́нию Твоему́.**

**Тропарь:** Белообра́зен яви́ся жена́м,/ непристу́пным све́том воскресе́ния блиста́яйся  
А́нгел,/ что Жива́го во гробе, вопи́я, ищите́ я́ко ме́ртва;/ воистину́ воста́ Христо́с,  
Ему́же вопие́м:/ вся дела́ по́йте Го́спода, // и превозно́сите во вся ве́ки.

КАНО́Н КРЕСТОВОСКРЕ́СНЫЙ, ГЛАС 4:

**Припев:** **Сла́ва Го́споди Кресту́ Твоему́ Честно́му и Воскресе́нию.**

**Тропарь:** Непра́ведное ви́дящи заколе́ние Твое́ тварь, омрача́ющися рыда́ше:/  
земли́ бо смуща́ющейся, во мрак, я́ко в ри́зу че́рну со́лнце облече́ся:/ мы же  
Тя непреста́нно поём, // и превозно́сим, Христе́, во ве́ки.

**Припев:** **Сла́ва Го́споди Кресту́ Твоему́ Честно́му и Воскресе́нию.**

**Тропарь:** Сше́дый ко мне да́же до а́да,/ и всем путе́сотвори́вый воскресе́ние, па́ки  
возше́л еси́,/ взем мя на ра́му Твоею́, и Отцу́ приве́л еси́./ Те́мже зову́ Ти:  
Го́спода по́йте дела́, // и превозно́сите во вся ве́ки.

КАНО́Н БОГОРО́ДИЦЫ ВЗ ОКТО́ИХА, ГЛАС 4:

**Припев:** **Пресвята́я Богоро́дице, спаси́ нас.**

**Тропарь:** От ребра́ Ада́мова созда́вый Тя,/ от Твоего́ де́вства воплоти́ся, И́же всех Госпо́дь,/ Его́же  
пою́ще, вопие́м:/ вся дела́ благослови́те, по́йте Го́спода, // и превозно́сите Его́ во ве́ки.

КАНО́Н СТРАСТОТЕ́РПЦЕВ, ГЛАС 6:

**Припев:** **Святии́ ца́рственнии страстоте́рпцы, моли́те Бо́га о нас.**

**Тропарь:** Егда́ уго́дницы Бо́жии предрекóша вам путь́ му́ченический, я́коже Па́влу проро́к  
Ага́в,/ вы, ца́рственнии страстоте́рпцы, не уклони́стеся ни одесну́ю, ни ошу́юю,/ но  
му́жественне проидóсте его́, // зри́ающе на Соверши́теля ве́ры Иису́са Христа́.

**Благослови́м Отца́, и Сы́на, и Свята́го Ду́ха, Го́спода и ны́не и прісно и во ве́ки веко́в, ами́нь.**

КАТАВА́СИЯ, ГЛАС 4:

**Хор:** **Хва́лим, благослови́м, покланя́емся Го́сподеви, пою́ще и превозно́сюще во вся ве́ки.**

**О́троки благочести́выя в пе́щи/ Рожде́ство Богоро́дичо спасло́ есть;/ то́гда  
у́бо образу́емое,/ ны́не же де́йствуемое,/ вселенну́ю всю́ воздвиза́ет  
пéти Тебе́:/ Го́спода по́йте, дела́, // и превозно́сите Его́ во вся ве́ки.**

ПЕСНЬ ПРЕСВЯТО́Й БОГОРО́ДИЦЫ:

**Хор:** Вели́чит душа́ Моя́ Го́спода,/ и возра́довася дух Мой о Бо́зе Спа́се Моём.  
**Честне́йшую Херуві́м/ и Сла́внейшую без сравне́ния Серафі́м,/ без  
истле́ния Бо́га Сло́ва ро́ждшую,/ су́щую Богоро́дицу, Тя велича́ем.**  
Я́ко призре́ на смире́ние рабы́ Своея́,/ се бо от ны́не ублажа́т Мя вси ро́ди.  
**Честне́йшую Херуві́м/ и Сла́внейшую без сравне́ния Серафі́м,/ без  
истле́ния Бо́га Сло́ва ро́ждшую,/ су́щую Богоро́дицу, Тя велича́ем.**  
Я́ко сотвори́ Мне вели́чие Си́льный,/ и свято́ И́мя Его́, и ми́лость Его́ в ро́ды  
родо́в бо́ящимся Его́.

**Честне́йшую Херуві́м/ и Сла́внейшую без сравне́ния Серафі́м,/ без  
истле́ния Бо́га Сло́ва ро́ждшую,/ су́щую Богоро́дицу, Тя велича́ем.**

Сотвори́ держа́ву мы́шцею Своею́,/ расточи́ го́рдые мы́слию се́рдца их.

**Честне́йшую Херуві́м/ и Сла́внейшую без сравне́ния Серафі́м,/ без  
истле́ния Бо́га Сло́ва ро́ждшую,/ су́щую Богоро́дицу, Тя велича́ем.**

Низложи́ си́льные со престо́л, и вознесе́ смире́нныя;/ а́лчущия испо́лни благ,  
и богатя́щися отпусти́ тщи.

**Честне́йшую Херуві́м/ и Сла́внейшую без сравне́ния Серафі́м,/ без  
истле́ния Бо́га Сло́ва ро́ждшую,/ су́щую Богоро́дицу, Тя велича́ем.**

Воспри́ят Изра́иля о́трока Своего́, помяну́ти ми́лости,/ я́коже глаго́ла ко  
отце́м нашим, Авра́аму и се́мени его́, да́же до ве́ка.

**Честне́йшую Херуві́м/ и Сла́внейшую без сравне́ния Серафі́м,/ без  
истле́ния Бо́га Сло́ва ро́ждшую,/ су́щую Богоро́дицу, Тя велича́ем.**

ПЕСНЬ 9:

КАНОН ВОСКРЕСНЫЙ, ГЛАС 4:

**Ирмос:** Камень нерукосечный / от несекомыя горы Тебе, Дево, / краеугольный отсечеса, / Христос, совокупивый разстоящаяся естества. // Тем веселящаяся Тя, Богородице, величаем.

**Припев:** Слава, Господи, святому Воскресению Твоему.

**Тропарь:** Всего мя восприял еси весь в совокуплении неслитно, / всему ми дая, Боже мой, Спасение страстию Твоею, / юже на Кресте претерпел еси телесне, // благоутробию ради многого.

**Припев:** Слава, Господи, святому Воскресению Твоему.

**Тропарь:** Твой ученицы зряще отвержен гроб Твой, / и богоносныя плащаницы испражнены воскресением Твоим, // с Ангелом глаголаху: воистинну воста Господь.

КАНОН КРЕСТОВОСКРЕСНЫЙ, ГЛАС 4:

**Припев:** Слава Господи Кресту Твоему Честному и Воскресению.

**Тропарь:** Лествично пополз змий, из Едема поят мя, пленена: / на краниевем же твердем камени / разби сего Вседержитель Господь, якоже младенца: // и сладости паки мне вход древом крестным отверзе.

**Припев:** Слава Господи Кресту Твоему Честному и Воскресению.

**Тропарь:** Положил еси крепкия вражия твердыни ныне в запустение: / всеильнейшею же рукою / богатство Его расхитил еси из истощаний адовых / совоскресивый мя, Христэ, / и древле безмерно хвалящагося // яко смех ругаема явил еси.

КАНОН БОГОРОДИЦЫ ИЗ ОКТОИХА, ГЛАС 4:

**Припев:** Пресвятая Богородице, спаси нас.

**Тропарь:** Зрим яко крин Тя, ризою обagrеною украшену, Пречистая, Божественнаго Духа, / посреде терния сияющую, и благоухания исполняющую, // иже Тебе искренно величающих.

КАНОН СТРАСТОТЕРПЦЕВ, ГЛАС 6:

**Припев:** Святити царственнии страстотерпцы, молитв Бoга о нас.

**Тропарь:** Да воскреснет Русь Святая молитвами царственных страстотерпец и новомученик Твоих, Господи, / и да расточатся вси врази ей вскоре, // и от лица ей да бежат вси ненавидящии ю отныне и до века.

**Слава Отцу и Сыну и Святому Духу и ныне и присно и во веки веков, аминь.**

КАТАВАСИЯ, ГЛАС 4:

**Хор:** Всяк земнородный / да възграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная, // Богородице, Чистая Приснодево.

ЕКТЕНИЯ МАЛАЯ:

ЕКСАПОСТИЛАРИЙ ВОСКРЕСНЫЙ ПЯТЫЙ:

Живот и путь, Христос воста из мертвых, / Клеопе и Луце спутешествова, / имаже и познася во Еммаусе, преломляя хлеб: / еюже души и сердца горяща бяху, / егда тема глаголаше на пути, / и писания сказоваше, яже претерпе. / С нимаже, воста, зовем, // явися же и Петрови.

**Слава Отцу и Сыну и Святому Духу.**

СВЕТИЛЕН СТРАСТОТЕРПЦЕВ:

Невечернему Свету предстояще, / страстотерпцы святити царственнии, с мученическими лики, // во испытаниих не оставляйте ны молитвами вашими.

**И ныне и присно и во веки веков. Аминь.**

БОГОРОДИЧЕН ВОСКРЕСНОГО ЕКСАПОСТИЛАРИЯ:

Пою безчисленную Твою милость, Творче мой, / яко Себе истощил еси, / понести и спасти человеческое естество озлобленное: / и Бог сый, избволил еси, от чистыя Богоотроковицы, / по мне быти, и снити даже до ада, хотя ми спастися, // молитвами Родшия Тя, Владыко Всещедрый.